

MINISTERIO DE IGUALDADE

Orde IGD/3645/2009, de 29 de decembro, pola que se establecen as bases reguladoras para a concesión de axudas para a realización de actividades financiadas pola Comisión Europea no marco do programa de acción comunitario "A mocidade en acción", do Instituto da Mocidade.

Obxecto:

A presente Orde establece as bases reguladoras de concesión das axudas para a realización dos proxectos comprendidos no marco das accións do programa «A mocidade en acción» aprobado pola Decisión número 1719/2006/CE do Parlamento Europeo e Consello da Unión Europea e financiados pola Comisión Europea, con validez durante os anos 2007 a 2013.

Promotores elegibles. O presente programa de acción comunitario está destinado a apoiar proxectos sen fins de lucro a favor das seguintes persoas beneficiarias:

- a) Organizacións non gobernamentais sen ánimo de lucro.
- b) Entes públicos locais ou rexionais.
- c) Grupos de mozos non asociados.
- d) Entidades activas a nivel europeo no campo da mocidade (ONGE), con sedes en, polo menos, oito países do Programa.
- e) Organizacións non gobernamentais internacionais.

Participantes elegibles. Cada unha das accións está dirixida a mozos comprendidos entre as seguintes idades:

Para a acción 1.1 «Intercambios xuvenís», que ofrecen a grupos de mozos de diferentes países a posibilidade de atoparse e coñecer mellor as súas culturas respectivas: Entre os 13 e os 25 anos (cabe a participación, até un máximo do 20%, de mozos entre 26 e 30 anos).

Para a acción 1.2 «Iniciativas xuvenís», que ofrecen apoio a proxectos de grupos deseñados a nivel local, rexional e nacional, así como os proxectos en rede similares entre diferentes países, co fin de reforzar o aspecto europeo e de ampliar a cooperación e o intercambio de experiencias entre mozas: Entre os 18 e os 30 anos, tamén poderán participar mozos de 15 a 17 anos si van acompañados dun titor ou animador xuvenil.

Para a acción 1.3 «Proxectos de democracia participativa», que apoian a participación de mozas na vida democrática da súa comunidade local, rexional ou nacional, e a nivel internacional: Entre os 13 e os 30 anos.

AXUDAS

Para a acción 2 «Servizo voluntario europeo», cuxo obxectivo é fomentar a participación de mozas en distintas formas de actividades de voluntariado, dentro e fóra da UE: Entre os 18 e os 30 anos, podendo ser a partir do 16 si van acompañados de titor/a ou animador/a xuvenil.

Para a acción 3.1 «A mocidade no mundo», que apoia a seguinte sub-acción «Cooperación cos países veciños da Unión Europea», que apoia dous tipos de proxectos cos países veciños asociados: intercambios xuvenís e proxectos de formación e en rede no ámbito da mocidade: Para os intercambios xuvenís, igual que a acción 1.1 e para as actividades de formación, sen límite de idade.

Para a acción 4.3 «Sistemas de apoio á mocidade», que apoia a seguinte sub-acción: «Formación e proxectos en rede de traballadores xuvenís e organizacións xuvenís», que apoia as actividades de formación de traballadores xuvenís en activo e organizacións xuvenís, en especial, o intercambio de experiencias, coñecementos e boas prácticas, así como actividades que poidan conducir a proxectos de calidade de longa duración, asociacións e proxectos en rede: Sen límite de idade.

Para a acción 5.1 «Apoio á cooperación europea no ámbito da mocidade», que apoia a seguinte sub-acción: «Encontros de mozos e responsables de políticas de mocidade», que apoia a cooperación, a celebración de seminarios e o diálogo estruturado entre mozos, traballadores xuvenís e responsables de políticas de mocidade: Entre os 15 e os 30 anos.

O prazo de presentación de solicitudes: será o establecido polo programa «A Mocidade en acción» para cada unha dos procesos de selección (denominados «roldas»), aínda que para cada convocatoria anual sinalaranse especificamente as que serán de aplicación:

Para procesos que empezan entre o 1 maio e o 30 setembro, o prazo límite é o 1 de febreiro.

Para procesos que empezan entre o 1 xullo e o 30 novembro, o prazo límite é o 1 de abril.

Para procesos que empezan entre o 1 setembro e o 31 xaneiro, o prazo límite é o 1 de xuño.

Para procesos que empezan entre: 1 decembro e 30 abril, o prazo límite é o 1 de setembro.

Para procesos que empezan entre o 1 febreiro e o 31 xullo, o prazo límite é o 1 de novembro.

As solicitudes, dirixiranse nos modelos de instancia que se atopan na dirección de Internet: www.juventudenaccion.migualdad.es, debendo relacionarse no mesmo os programas e as datas para os que se solicita a axuda:

AXUDAS

- a) Á Dirección Xeral do Instituto da Mocidade para actividades e/ou proxectos a desenvolver no ámbito estatal.
- b) Aos organismos de mocidade das Comunidades Autónomas e Cidades con Estatuto de Autonomía, para actividades e/ou proxectos a desenvolver na súa respectiva Comunidade Autónoma ou Cidade con Estatuto de Autonomía.

As axudas efectuaranse, con carácter xeral, da seguinte forma:

- a) O 70 por 100 unha vez recibido no Instituto da Mocidade o documento a que se refire o apartado 10 do artigo 7 das presentes bases.
 - b) O 30 por 100 unha vez recibidos no Instituto da Mocidade a Memoria e xustificantes a que se fai referencia no artigo oitavo das presentes bases.
- En todo caso teranse en conta as condicións específicas para cada unha das accións definidas na guía do programa.

As axudas reguladas na presente orde serán *compatibles* coa percepción doutras subvencións, axudas, ingresos ou recursos para a mesma finalidade.

Os/as beneficiarios/as deberán presentar a conta xustificativa, na que se inclúan, baixo responsabilidade do declarante, os xustificantes de gasto e demais documentos de valor probatorio equivalente no tráfico xurídico mercantil ou con eficacia administrativa, en orixinal ou fotocopia compulsada, que permitan acreditar o cumprimento do obxecto da axuda, mediante a forma de Conta Xustificativa Simplificada (dado que en calquera caso as axudas que se concedan serán sempre por valor inferior a 60.000 €). O prazo de finalización do proxecto para o que se concedeu a axuda deberá ser previsto polos/as beneficiarios/as e comunicado no momento de percibir a contía da mesma.